

FRAMSELD TILSKIPUN FRAMKVÆMDASTJÓRNARINNAR (ESB) 2019/173

2019/EES/49/27

frá 16. nóvember 2018

um breytingu á III. viðauka við tilskipun Evrópuþingsins og ráðsins 2011/65/ESB, að því er varðar undanþágu fyrir blý og kadmíum í prentbleki til að setja smeltlakk á gler, í því skyni að laga viðaukann að framförum á sviði vísinda og tækni (*)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af tilskipun Evrópuþingsins og ráðsins 2011/65/ESB frá 8. júní 2011 um takmarkanir á notkun tiltekinna, hættulegra efna í rafbúnaði og rafeindabúnaði ⁽¹⁾, einkum a-lið 1. mgr. 5. gr.,

og að teknu tilliti til eftirfarandi:

- 1) Í tilskipun 2011/65/ESB er þess krafist að aðildarríkin tryggja að raf- og rafeindabúnaður, sem settur er á markað, innihaldi ekki tiltekin hættuleg efni sem eru skráð í II. viðauka við þá tilskipun. Sú krafa gildir ekki um þá notkun sem um getur í III. viðauka við tilskipun 2011/65/ESB.
- 2) Mismunandi flokkar raf- og rafeindabúnaðar, sem tilskipun 2011/65/ESB gildir um (1.–11. flokkur), eru skráðir í I. viðauka við þá tilskipun.
- 3) Blý og kadmíum eru efni sem sæta takmörkunum og eru skráð í II. viðauka við tilskipun 2011/65/ESB. Notkun blýs og kadmíums í tiltekinni prentun á gler var þó undanþegin takmörkuninni og er sem stendur skráð í færslu 21 í III. viðauka við þá tilskipun. Lokadagsetning undanþágunnar var 21. júlí 2016 fyrir 1.–7. flokk og 10. flokk.
- 4) Framkvæmdastjórninni barst umsókn um endurnýjun á þeirri undanþágu fyrir 21. janúar 2015 í samræmi við 5. mgr. 5. gr. tilskipunar 2011/65/ESB. Undanþágan gildir áfram þar til ákvörðun um umsóknina hefur verið samþykkt.
- 5) Blý og kadmíum í prentbleki fyrir gler veita endingargóða merkingu vara, einkum á glerperum lampa. Merkingin þjónar ýmsum tilgangi, s.s. CE-merking og merking raf- og rafeindabúnaðarúrgangs (WEEE-merking), til að tilgreina framleiðanda og gerð lampa og orkuinntak í vöttum, sem skiptir máli fyrir öryggi, rétta endurnýjun og endurvinnslu lampa. Mikilvægt er að merkingin sé endingargóð til þess að vörumerkingar séu læsilegar allan endingartíma vörunnar, eins og krafist er í löggjöf og stöðlum um vöruöryggi.
- 6) Blý gefur mikilvæga eiginleika eins og góða viðloðun, lægri glerjunarhita, betri endingu og hulu.
- 7) Kadmíum er notað til að ná tilteknum litum smeltlaks á ólíkum notkunarsviðum, þ.m.t. í notkun sem þjónar öryggi og sem viðvörn, þar sem tilteknir litir teljast auka sýnileika. Það þjónar einnig mikilvægu sfunarhlutverki.
- 8) Sem stendur er ekki vísindalega eða tæknilega mögulegt að skipta út blýi eða taka það út að því er varðar tiltekna notkun sem fellur undir gildandi undanþágu að því er varðar 1.–7. flokk og 10. flokk vegna skorts á áreiðanlegum staðgönguefnum. Undanþágan dregur ekki úr umhverfis- og heilsuvernd sem kveðið er á um í reglugerð Evrópuþingsins og ráðsins (EB) nr. 1907/2006 ⁽²⁾. Því ætti að endurnýja undanþáguna varðandi þá tilteknu notkun og flokka.
- 9) Sem stendur er ekki vísindalega eða tæknilega mögulegt að skipta út kadmíumi eða taka það út að því er varðar tiltekna notkun sem fellur undir gildandi undanþágu að því er varðar 1.–7. flokk og 10. flokk vegna skorts á áreiðanlegum staðgönguefnum. Undanþágan dregur ekki úr umhverfis- og heilsuvernd sem kveðið er á um í reglugerð (EB) nr. 1907/2006. Því ætti að endurnýja undanþáguna varðandi þá tilteknu notkun og flokka.

(*) Þessi ESB-gerð birtist í Stjótíð. ESB L 33, 5.2.2019, bls. 17. Hennar var getið í ákvörðun sameiginlegu EES-nefndarinnar nr. 153/2019 frá 14. júní 2019 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn (bíður birtingar).

(1) Stjótíð. ESB L 174, 1.7.2011, bls. 88.

(2) Reglugerð Evrópuþingsins og ráðsins (EB) nr. 1907/2006 frá 18. desember 2006 um skráningu, mat, leyfisveitingu og takmarkanir, að því er varðar efni (efnareglurnar (REACH)) og um stofnun Efnastofnunar Evrópu (Stjótíð ESB L 396, 30.12.2006, bls. 1).

- 10) Að því er varðar aðra notkun sem fellur sem stendur undir undanþáguna eru skilyrðin fyrir endurnýjun ekki uppfyllt. Undanþágan fyrir þessa notkun ætti að gilda áfram í 12 mánuði eftir gildistöku þessarar framseldu tilskipunar í samræmi við 6. mgr. 5. gr. tilskipunar 2011/65/ESB.
- 11) Þar eð engir áreiðanlegir staðgöngukostir eru fáanlegir á markaðnum fyrir notkun þar sem blý kemur við sögu og varðar endurnýjunina ætti að endurnýja undanþáguna fyrir þá notkun fyrir 1.–7. flokk og 10. flokk í að hámarki fimm ár til 21. júlí 2021. Að teknu tilliti til árangurs í yfirstandandi viðleitni til að finna áreiðanleg staðgönguefni er ólíklegt að tímalengd þessarar undanþágu hafi skaðleg áhrif á nýsköpun.
- 12) Þar eð engir áreiðanlegir staðgöngukostir eru fáanlegir á markaðnum fyrir notkun þar sem kadmíum kemur við sögu og varðar endurnýjunina ætti að endurnýja undanþáguna fyrir þá notkun fyrir 1.–7. flokk og 10. flokk í að hámarki fimm ár til 21. júlí 2021. Að teknu tilliti til árangurs í yfirstandandi viðleitni til að finna áreiðanleg staðgönguefni er ólíklegt að tímalengd þessarar undanþágu hafi skaðleg áhrif á nýsköpun.
- 13) Að því er varðar aðra flokka en 1.–7. flokk og 10. flokk gildir núverandi undanþága áfram samkvæmt gildistíma sem settur er fram í annarri undirgrein 2. mgr. 5. gr. tilskipunar 2011/65/ESB. Til glöggvunar ætti að bæta lokadagsetningum við í III. viðauka við þá tilskipun.
- 14) Því ætti að breyta tilskipun 2011/65/ESB til samræmis við það.

SAMÞYKKT TILSKIPUN ÞESSA:

1. gr.

Ákvæðum III. viðauka við tilskipun 2011/65/ESB er breytt eins og fram kemur í viðaukanum við þessa tilskipun.

2. gr.

1. Aðildarríkin skulu samþykkja og birta nauðsynleg lög og stjórnsýslufyrirmæli til að fara að tilskipun þessari eigi síðar en 29. febrúar 2020. Þau skulu þegar í stað senda framkvæmdastjórninni texta þessara ákvæða.

Þau skulu beita þessum ákvæðum frá og með 1. mars 2020.

Þegar aðildarríkin samþykkja þessi ákvæði skal vera í þeim tilvísun í þessa tilskipun eða þeim fylgja slík tilvísun þegar þau eru birt opinberlega. Aðildarríkin skulu setja nánari reglur um slíka tilvísun.

2. Aðildarríkin skulu senda framkvæmdastjórninni helstu ákvæði úr landslögum sem þau samþykkja um málefni sem tilskipun þessi nær til.

3. gr.

Tilskipun þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

4. gr.

Tilskipun þessari er beint til aðildarríkjanna.

Gjört í Brussel 16. nóvember 2018.

Fyrir hönd framkvæmdastjórnarinnar,

Jean-Claude JUNCKER

forseti.

VIÐAUKI

Í stað færslu 21 í III. viðauka kemur eftirfarandi:

„21	Bly og kadmíum í prentlitum sem eru notaðir í smeltlökk á gler, s.s. bórsílikatgler og natríumkalksílikatgler	Gildir um 8., 9. og 11. flokk og fellur úr gildi: — 21. júlí 2021 að því er varðar 8. og 9. flokk, að undanskildum lækningatækjum til sjúkdómsgreiningar í glasi og vöktunar- og eftirlitstækjum í iðnaði, — 21. júlí 2023 að því er varðar 8. flokk, lækningatæki til sjúkdómsgreiningar í glasi, — 21. júlí 2024 að því er varðar 9. flokk, vöktunar- og eftirlitstæki í iðnaði, og að því er varðar 11. flokk.
21.a	Kadmíum þegar það er notað í litprentað gler vegna síunar og notað sem efnisþáttur í lýsingu í skjái og stjórnborð raf- og rafeindabúnaðar	Gildir um 1.–7. flokk og 10. flokk, að undanskilinni notkun sem fellur undir færslu 21.b eða færslu 39 og fellur úr gildi 21. júlí 2021.
21.b	Kadmíum í prentbleki sem er notað í smeltlökk á gler, s.s. bórsílikatgler og natríumkalksílikatgler	Gildir um 1.–7. flokk og 10. flokk, að undanskilinni notkun sem fellur undir færslu 21.a eða 39 og fellur úr gildi 21. júlí 2021.
21.c	Bly í prentbleki sem er notað í smeltlökk á annað en bórsílikatgler	Gildir um 1.–7. flokk og 10. flokk og fellur úr gildi 21. júlí 2021.“